

21
106
DE S. IVONE

PAUPERVM PATRONO

ORATIO

HABITA 34-6-E-7-

AD EMINENTISSIMOS

S.R.E. CARDINALES

A HYACINTHO FRANC. PAVLINO ROMANO

Insignis Collegiatæ S. Mariæ in Viâ Latâ

Canonico, & Sem.Rom. Cle.



ROMAE, Typis Ignatij de Lazaris. MDCLXXVI.
SVPERIORVM PERMISSV.

21

NOVEMBER 1964

[illegible]

BEATISSIMO PATRI³
AC SANCTISSIMO DOMINO
CLEMENTI X.
PONT. MAX.

HYACINTHVS FRANCISCVS PAVLINVS F.



MAIESTAS ista, quam Dei vicariam qui non videt, sentit, qui videt mundus adorat, BEATISSIME PATER, adeò me à Tuo conspectu non prohibet, ut prouocet ad accessum. Tanti est il-

lam Clementià temperari. Diuina propè cum sit, se præstat humanam; non tamen sine gloriæ fœ-

A 2 no-

ORATIO.

103



Sque adeò, calamitatibus insueti,
miserias nostras vel amamus, vel
odisse nescimus, Em. PP. vt ne po-
nere quidē illas didicerimus sine
misericordia; adeòque ipsa non rarò ca-
lamitatis abigendæ vota calami-
tas sint. Adestedum è foro, Iu-

dicijque quotquot Iudicem, perinde ac trutinam,
vt æquus sit, esse vultis immotum. Quid vobis hac,
cui vota omnia deuouetis, iniquius æquitate possit
accidere? Vbi paria non sunt merita, iniquum est
omnibus æquum esse. Quidquod, nisi Iustitiæ manū
velit abire Iudicis Libra, alia pendat oportet, non
se, alteraque propterea leuetur lance, sed altera de-
primatur? In tam recta igitur iniquitate, Iudicis sita
æquitas esse videtur. Hæc iure à me disputata fuisse,
qui orbis terræ sedetis Iudices, excelsæ mentis suf-
fragio decernetis, opinor, vbi in IVONE sanctissimo
pauperum Patrono vobis ostendero Iudicem in alios
æquum, iniquum in se, idèq; in omnes æquissimum.
Gandete iam fora: excultam humanà omni, diui-
næque scientiâ, ipsa videlicet sapientiâ mentem ad
vos defert IVO. Sapientiâ Iudice, non Iudex, sed
Æquitas iudicabit. Licet ex diuinis oraculis vatem
esse. Qui meditatus apud se sapientiam est, eius loque-
tur lingua iudicium. Et sanè IVONIS linguam Pin-
darus ad veritatis incudem fabricatam esse dixisset;
neque enim, vt primarius apud Ægyptios Iudex, ve-

A 3 rita-

ritatem gestabat collo, sed ore: norat quippe, idem esse Iudicem, & arbitrum Veritatis. Hoc Iudice nemo damnatus est nisi reus: qui, damnannte illo, reum se non esse putavit, enasit; nullo siquidem ille se pretio, nullius vi, nullius auctoritate passus est emi: quam venalis esse non poterat, qui pretium, non habebat. Nego iam Euripidi nulquam Paupertati Aram extare. IVO fidem fecit Architz, qui dicebat, duo nomina esse, remynam, Iudicem, & Aram: an, non enim, Ara modo, omnibus patuit? Cui aures obstruere? cui negata vox? cui non patens aditus? Sed qui aures, qui vocem, qui aditum posset ille negare, qui, Deū in morem, ut beneficus esset, vel cum videbatur nocere, quantum auri damnato deperibat tantum, numerata de suo pecuniā reponebat? Quam æquus erat, is Iudex, qui æquē faucebat: vel absolueret, vel dampnaret! Erravi: ut multum præstaret absolui, plus præstabat ab IVONE dampnari: Cui his adiudicabatur, Iudicis suffragium habebat, qui damnabatur habebat, & animum Pattis. Tribundia, vestram fidem: hoc est causā cadere? Quid agis, IVO? fontes capitali supplicio additus decretorum summis calamum, non tamen stringis: ingemiscis, lacrymaris. Importuna isthæc misericordia Iudicem excutit, dum obtrudit Patrem. Sententiam lacrymis obliterare non potes, quin grandem sanctitati Iuris, grandem tuo nomini notam iniuris. In probos omnes iniquus est, qui vel unius, cum debet, non vindicat improbitatem. Sceleratos esse qui patitur, facit. Sed, video, calum æmularis, quod ut suam, & improbis approbet æquifatem, non sine tonitru, hoc est non sine

gemitu parit fulmen. His lacrymis id tantum caues,
 ne defenda scribas ipse ne deflere possit vel qui dolo-
 re debet ista, quæ scribis. Scribis tandem: sed, ne in
 rei corpus intrare tota mors possit, tot illi in tuo ape-
 ris ostia, quot pandis vulnera; nam in secretiorem
 adium partem recipiens te, plus Patronus, quàm
 Iudex parentas ante funus, & cruentà dilaceratio-
 ne de te poenas sumis, quòd de alijs cogaris illas ex-
 poscere. Aude iam, liuor impie, palam eloqui: Eo
 præcipuè nomine æquum omnibus IVONEM fuisse
 negabis, quòd in pauperes visus fuerit esse propen-
 sior? Sedenim hoc flexu se probat ensis Insuper. Ex
 infelicitatis odio nimium addicti felicibus, æqui om-
 nibus esse non possumus, nisi sumus miseris quodam-
 modo æquiores: quàm facile enim est, ut iudicantis
 eò lances inclinent, quò fortunæ pondus impellit?
 Fateri itaque libet, atque iactare IVONEM non Iu-
 dicem tantum præstitisse se miseris, sed Patronum.
 Nullæ illi tenebræ, nullæ latebræ subducere miseros
 potuerunt. Per vias, per vias, per fora, per domos,
 per ergastula tam non solò metu plena quærebat.
 Hos amplecti, hos fouere voce, ope, opibus, ac penè
 sanguine, dum horum consulit incolumitati non rarè
 vitæ in discrimen adductis. Intelligebat videlicet
 vir sapientissimus maneam esse fortitudinem, quæ
 agere tantum fortiter didicit. Inuenimus tandem fe-
 licitatem, quæ par esse possit omnibus calamitatibus
 non ferendis modò, sed & tollendis, IVONEM pau-
 perum Iudicem, & Patronum. Quisquamne egere
 permittit? quisquam gemere? Quoties sua vendidit,
 ut aliena redimeret? Quoties ut inopiam pauperum

VC-

veluti tenebras, procul abigeret, more lampadis, sua sibi alimenta subduxit? Eius domum acerbae tumulum fortunæ, eius manus horreum publicæ annonæ esse dixisses. Inuocet, licet, aridis campis amnem, suum Ægyptus. Ærili paupertati tantò Nilo melior est IVO, quantò promptior: Fœcunditatem iste nullis precibus, nullis lacrymis vendit. Vti Sol umbras, sic ærumnas pellit IVO, dum videt. Grande moræ spatium beneficijs obiectum suis existimat, quantum ad accipiendum est satis, non ad rogandum: ignauæ siquidem liberalitatis esse censet, expectare preces. Quàm molestum, quàm onerosum, ut ait ille, & demisso vultu dicendum verbum est, Rogo, tam iucundum erat miseris, tam beatum quæ non rogauerant impetrasse. Summa liberalitatis hæc est, non habere ultra, quod des. Qui habet aliquid, quod ultra det, ut dederit plurima, plura non dedit: dedit omnia qui nihil habet. Summè itaque liberalis IVO, quod daret, sæpe nil habuit, nunquam tamen nil dedit. Vnde verò factum dicemus, ut omnia cum tribueret omnia semper haberet, copià largitionibus foederatè? Quia nempe qui pauperum auget censum, non imminuit suum. Ne tibi metue, IVO, ab hac liberalitate pauperiem. Diuitiæ satis esse non possunt omnibus, nisi cum omnibus erogantur. Vna est omnia habendi ratio, efficere ut omnium sit, quod erat tuum: Tantum enim habes, quantum qui debent tibi. Parum est hoc: habes illos etiam, ac Deum, quem, qui commodat pauperi non fœncratorem habet tantummodo, sed etiam debitorem. Abite nunc laudes: virtutem consuetas etiam Heroum Sanctissimorum,

me-

metas prætervectam, nouo laudandi genere libet, ac-
 cufatione laudare. Quid, tam æquus omnibus, vni es
 iniquus tibi? Qui omnes alis, tibi ne plures non ra-
 rō dies omni profus alimento interdicas? Neque,
 enim vacat hic referre exigua te tantum Cerere, fri-
 gidaq. vitam ferè perpetuò toleraffe: quanquam id
 erat famem non pellerè, fed nutrire. Omnium quies,
 quid durà humo, fetarumque mucronibus ipsam tibi
 quietem exagitas? Incubantem oculis fomnum nunc
 mergis lacrymis, nunc abigis saxo fupposito capiti,
 nunc erudis ad studia rerum, diuinarum incumbens
 Codici Diuinitatis oraculis confignato. Sic confe-
 cratæ pauperum caufis, aut diuinis, alloquijs vigilie
 puniendæ? Quid fpectat altè infixa lateribus catena?
 quid afpera illa zona cæteris, artubus, inhorrefcens?
 Hoc eft effe Iudicem, an Lictorem? Pone manū m-
 gella: cuius Iudicij eft ad flagra petere Innocentiam?
 manus illas omnibus aureas vni tibi ferreas effe non
 decet. Tàm crebro verberè, tàm immani iam non,
 humeros, fed vulnera ipfa profeindis. Quid tibi, nil
 parcis, cum nihil habeas quod ignofcas? Nouimus
 te Cælo carum antequam vifum fuiſſe. Paritura te
 mater, feftinantibus fuperis aperire mortali, us quæ
 donabant, vifa, tibi per quietem eft Gigantem eniti,
 vt intelligeremus quàm magnus, futurus, eras, vbi
 fuiſſes, qui magnus eras antequam eſſes. Nouimus
 Virginei florem pudoris, nullis vnquam aut, ætatis,
 aut prauorum cupidinum delibatum, æftibus, atuiſſe.
 Dà vitæ momentum aliquod, cuius anguftias in om-
 ne genus hominum beneficijs non produxeris. Dà
 cuiuſpiam non leuatas piâ liberalitate, miſerias. Quid

in te tam acriter punis? Num exceptum mortalibus
 epulis Numen immortale vix regens maiestatem &
 peregrinam mendici specie tuos in oculos erumpere
 gestientem? num volantis in Cælum animi sequa-
 cem corporis gravitatem? num mentem plures quoti-
 die horas, septem sæpius dies in contemplatione Di-
 uinitatis immoram, cum eo tantum nomine mortalis
 es habitus, quod iterum cepisti vivere? In Urbes ne
 exulem Religionem, morumque sanctissimam disci-
 plinam longo tandem postliminio reuocatam? An
 obitos sacris excursionibus pagos, Solis instar, qui
 stare loco nescit, ne vnus regionis limitibus lumina,
 quæ mundo debet, includat? At iniquius, quam par
 est, agimus cum IVONE, dum iniquum illum nimis
 in se fuisse contendimus, quod tam duriter se habue-
 rit. Durus sit oportet in sese, qui totam seruare vult
 alijs lenitatem; ac semet exuat, qui Iudicem vult in-
 duere. Id, ingenio licet obstupido, acutissime perui-
 distis Thebani, qui vt simulacrum absolutæ Iustitiæ
 proponeretis, Iudicium aliquem effingebatis, truncis
 manibus, vibratis in cælum oculis, ac toto corpore
 personatum. Quod si in alios est æquus, qui est ini-
 quus in sese, quid hac æquus esse possit iniquitate?
 Iudicem huiusmodi, vt hæc videri in se iniquum
 permittat, iniquum esse non sinit. Abnuitis? Ad re-
 rum naturam salua prouocatio est. Dum epulare
 iam Numen populis adorandum attollit IVO, flamma
 de Cœlo lapsa, regium semper omen, eius caput lam-
 bit leniter, & coronat. Ite nunc, & suam intrâ sphæ-
 ram lucem igni, Philosophi, denegate. Latè minax
 incendium ad IVONIS imperium repente subsedit.

Hoc vnum IVONI defuit, quominus ignis esse crederetur, ignes extinxit. Indociles exundantis fluminis gurgites aliò transituro viam facturi, in obsequiosa diuortia concesserunt. O miram Iudicis æquitatem, quæ & ipsam potuit vndarum frænare licentiam, sine lege, quia sine limite ferociter exultantem. In obsequium Virginis, cui parabatur ædes, ad IVONIS intuitum ingenti in Sylva, in trabes, & asseres cedere volentes arbores omnino tres, & singulis iam cæsis truncis, & truncos, & ramos, & folia raro repente prodigio explicarunt. Cadavera complura (numero parco, nequis, vt opinione, sic verò etiã maiorem existimet) Cadavera, inquam, complura ad vitam, IVONI imperanti, celi furtum aliquod reddidit mors: an vt dominum, fateretur? Vnquamne sine publico populorum bono posita olim ab ipso mortalitatis exuuiæ solemni ritu, pompæque circumferuntur? Diceres liberalitatem, ab illo cineribus legatam suis, aut his certè vitam fuisse non animam, sed beneficentiam. An & hoc æqui Iudicis est elemens ipsa, & summa imis equantem mortem in officio continere? Sic est: Suo rerum vniuersas suffragio declarat, nunquam in se æquior rem IVONEM esse potuisse, quàm cum visus fuit iniquus. Illi enim subditi cetera properant, qui per generosam vim se sibi subdidit victor, ac Deo. Quod igitur vnicè superest, IVONEM, hoc est Iudicem in alios æquum, iniquum in se, ideòque in omnes æquissimum adorate.

L A V S D E O.



Imprimatur;

Si videbitur Reuerendiss. Patri Mag. Sac. Pal. Apost.

Io. de Ang. Arch. Urb. Vic.



Imprimatur,

**Fr. Raymundus Capisuccus Ordinis Præd. Sacri Pal.
Apost. Mag.**



DEO.

